

西域圖志



西

成

圖

志



欽定皇輿西域圖志卷之十四目錄

疆域七

天山南路一

闢展屬

闢展

塔呼

納呼

齊克塔木

特斯

特庫斯

洪

楚輝

色爾啟布

魯克察克

洋赫

哈喇和卓

阿斯塔克

玉門口

勒木丕

土爾番

招哈和屯

雅木什

安濟彥

布干

托克三

伊拉里克

連木齊木

雅圖庫

罕都

蘇巴什

森尼木

汗和羅

穆圖拉克

布拉里克

欽定皇輿西域圖志卷之十四

疆域七

天山南路一。

關展屬。東至塔呼。接安西北路哈密界。西至伊
拉里克。接哈喇沙爾界。南至大磧。北至博克達
鄂拉。接安西北路迪化州界。

關展。

關展。在鎮西府城西六百里。距京師八千一百
一十里。北望天山。西北倚金嶺。南臨沙山。一望

沙磧。傍崖為城。周里許。民居鱗接。商賈輻輳。城

東八里有湖曰東湖。饒蒲葦可畜牧有屯田。見屯

政門。乾隆二十一年十一月。將軍和起追擒叛賊

巴雅爾至此。公額敏和卓以兵四百。及莽噶里

克呢嗎。扎哈沁諸部兵來會。莽噶里克呢嗎兵

叛。夜掠和起營。和起背腹受敵。被創數處。顧其

部兵努固德。彰金布云。我今力竭。必死此地。拔

所戴翎。命持繳。巴爾庫勒叅贊大臣營。努固德

曰。偕將軍力戰突出。即免矣。起曰。身為大臣。不

能擒叛賊。反逃死乎。努固德等行。乃死。叛賊等
尋卽擒誅。闢展復定。設兵駐防。爲回部東境門
戶云。

漢書西域傳武帝天漢二年。以匈奴降者介和
王爲開陵侯。擊車師。匈奴救之。漢兵引去。征和
四年。遣開陵侯將樓蘭尉犁危須兵。共圍車師。
車師王降服。地節二年。遣侍郎鄭吉校尉司馬
憲擊車師。破之。匈奴聞車師降漢。攻車師。車師
王奔烏孫。詔田渠犁及車師。積穀以安西國。車

師王之走烏孫也。烏孫留不遣。遣使上書。願留車師王。備國有急。可從西道以擊匈奴。漢許之。於是召故車師太子軍宿於焉耆。立以爲王。徙居渠犁。遂以故地與匈奴。

〔後漢書西域傳〕和帝永元三年。復置戊己校尉。領兵五百人。居車師前部高昌壁。孝和晏駕。西域背叛。安帝元初六年。車師前王來降。數月。北匈奴擊走前王。其後北虜連與車師入寇河西。以班勇爲西域長史。遂破平車師。自伊吾北通。

車師前部高昌壁一千二百里。自高昌壁北通後部金滿城五百里。此其西域之門戶也。

〔魏書高昌傳〕高昌東西二千里。南北五百里。四

面多大山。或云昔漢武遣兵西討。其中兀困者因住焉。地勢高敞。人庶昌盛。因云高昌。其地有漢時高昌壘。故以爲國號。晉以其地爲高昌郡。張軌呂光沮渠蒙遜據河西。皆置太守以統之。去敦煌十三日行。國有八城。皆有華人。地多石磧。氣候溫煖。厥土良沃。北赤石山。七十里有貪

汗山。此山北鐵勒界也。世祖時。闕爽爲高昌太守。太延中。遣散騎侍郎王恩生等使高昌。爲蠕蠕所執。真君中。爽爲沮渠無諱所襲。和平元年。爲蠕蠕所并。以闕伯周爲高昌王。其稱王自此始也。太和初。伯周死。子義成立。爲其兄首歸所殺。自立爲高昌王。五年。高車王可至羅殺首歸兄弟。以敦煌人張孟明爲王。後爲國人所殺。立馬儒爲王。二十一年。奉表朝貢。求內徙。高祖納之。而高昌舊人不願東遷。相與殺儒。立麴嘉爲

王。又臣於蠕蠕。及蠕蠕主伏圖爲高車所殺。嘉
又臣高車。遣使奉表。嘉死。贈鎮西將軍涼州刺
史。子堅立。遣使朝貢。

周書異域傳高昌者。車師前王之故地。自麴嘉
以來。世修藩職。於魏大統十四年。詔以其世子
元喜爲王。恭帝二年。又以其田地公茂嗣位。自
敦煌向其國。多沙磧。道里不可准記。唯以人畜
骸骨及駝馬糞爲驗。又有魍魎怪異。故商旅往
來。多取伊吾路云。

〔隋書西域傳〕高昌國者。漢車師前王庭也。開皇十年。突厥破其四城。有二千人來歸。大業四年。遣使貢獻。明年。伯雅來朝。從擊高麗還。尙宗女華容公主。自是歲貢方物。

〔唐書西域傳〕高昌直京師西四千里而贏。其橫八百里。縱五百里。凡二十一城。武德初。伯雅死。子文泰立。貞觀四年。文泰來朝。賜氏李。文泰與西突厥通。西域朝貢道其國。咸見壅掠。伊吾內屬。文泰擊之。又破焉耆三城。焉耆王訴諸朝。乃

拜侯君集爲交河道大總管。左屯衛大將軍討之。文泰死。子智盛立。侯君集傳作智盛君集分兵畧定。

凡三州五縣二十二城。披其地皆州縣之。號西

昌州。後改西昌曰西州。更置安西都護府。俘智

盛。徙高昌豪桀於中國。魏氏傳國九世。百三十

四年而亡。**地理志**西州交河郡。貞觀十四年平

高昌。以其地置。開元中曰金山都督府。天寶元

年爲郡。縣五。前庭。柳中。交河。蒲昌。天山。

宋史外國傳唐貞觀中。侯君集平高昌爲西州。

安史之亂。其地陷沒。乃復爲國。然其地頗有回鶻。故亦謂之回鶻。建隆三年。西州回鶻來貢。太平興國六年。其王始稱西州。太宗遣供奉官王延德使高昌。雍熙元年還。敘其水程來獻。

〔王延德高昌行紀〕其地南距于闐。西南距大食。波斯。西距西天步。路涉雪山葱嶺。皆數千里。所統有南突厥。北突厥。大衆熨。小衆熨。樣磨。割祿。黠戛司。末蠻。格哆族。預龍族。之名甚衆。師子王。邀延德至其北庭。歷交河州。凡六日至金嶺口。

度嶺一日至北庭。憩高臺寺。見其王及王子侍者皆東向拜。受賜。旁有持磬者。擊以節拜。王聞磬聲乃拜。既而王之兒女親屬皆出羅拜以受賜。游佛寺。曰應運大寧之寺。貞觀十四年造。西抵安西。卽唐之西境。

明史西域傳永樂四年遣官使巴什伯里舊作別失

八里。今改正。道士爾番舊作吐魯番。今改正。幣賜之。二十年其

會爲巴什伯里所逐。走京師。遣還故土。初其地

微弱。哈喇和卓舊作火州。今改正。柳城皆爲所并。國日

強僭稱王。入貢。先後命指揮白全等使其國。成

化九年。據哈密。十八年。哈密都督哈森舊作罕
慎。今改

正。克之。宏治元年。誘哈森殺之。復據其城。正德

九年。犯肅州。嘉靖三年。寇肅。甘州。而賊黨雅蘭

舊作牙蘭。今改。正。率所部來歸。勢漸孤弱。萬曆朝入貢

不絕。

按闢展全境。漢屬車師前國。狐胡國。及車師

後城。長山北六國地。晉為高昌郡。魏為蠕蠕

所并。後其國復立。不一姓。迄於周隋。唐貞觀

十四年。置西州。安史之亂。其地遂陷。宋八回
鶻。元設萬戶府。明爲土爾番。柳城諸地。此古
昔沿革之大畧也。至班書有前後卑陸。東西
且彌。劫國。狐胡。蒲類。郁立師。范書無西且彌。
卑陸。劫國。郁立師。而有移支。一兼車師爲六
國。一去車師爲六國。今以班范二書參考之。
卑陸也。且彌也。郁立師也。劫國也。蒲類也。車
師也。狐胡居車師柳谷。得以車師統。所謂車
師六國也。車師後國。蒲類國在天山西。車師

前國。狐胡國在金嶺南。其居金嶺北。天山南者。卑陸前後國也。東且彌也。西且彌也。劫國也。郁立師也。所謂山北六國也。山指今自多倫達巴迤東一帶支山而言。魏書謂之赤石山。非北天山正幹之謂也。車師六國地。統在天山之南。跨金嶺之南北。凡五百里。卽後漢書所謂自高昌壁。北通後部金滿城五百里。魏書隋書南北五百里。唐書縱五百里者。如今金嶺環抱內外諸城皆是。若天山以北。乃

匈奴鐵勒所居。非六國地。不得誤會山北六國之文。而求之博克達鄂拉之陰也。

又按魏書高昌國。東西二千里。隋書東西三百里。唐書橫八百里。說各不同。以今道里及歷代形勢考之。魏太祖欲以伊吾五百里居馬儒而不果。則其境當在伊吾以西。焉耆以東。安得有二千里之廣。語殊失實。隋開皇十四年。突厥破其四城。是以其境止三百里。視今較狹。唐侯君集下高昌二十二城。盡有漢

車師六國之地。所謂縱五百里。橫八百里者。乃與今時疆域相符矣。

漢書西域傳狐胡國治車師柳谷。西至都護治所一千一百四十七里。至焉耆七百七十里。

唐書侯君集傳君集次磧口。而文泰死。進營柳谷。諸將請襲之。君集不可。姜行本傳高昌之役。爲行軍都總管出伊州距柳谷百里。伊山造攻械。

按今自洪出磧口西行至闢展爲第一程。南臨沙山。其地應卽漢時柳谷。君集次磧口而

進營。行本出伊州而造械。皆在沙山北麓。往來必經之道。卽今闢展無疑也。

又按唐書地理志交河縣北入谷百三十里。經柳谷交河縣爲今招哈和屯。則柳谷似在招哈和屯北。然當時君集行本出伊州進伐。從東南來。先營柳谷。次拔都城。則柳谷必居東南境上。安得在招哈和屯北乎。又今魯克察克爲唐柳中縣。在闢展城西七十里。君集留營七十里外。旣而進拔其城。中間道里相

金定皇朝西域圖志 卷十四
距不遠。是柳中柳谷。自屬毗連之境。因地以名其縣者也。

塔呼

塔呼。東接鎮西府屬之托來達巴一百四十里。爲闢展東境。西距闢展城二百八十里。自托來達巴西行二十里至北山下。峭壁削成。曲徑如鑿。無水草。路平可行車。又三十里出山。路皆沙磧。又五十里有樹木。無水。得二井。味鹹而苦。又三十里皆鹵地。凝結成塊。車馬艱於行。

魏書高昌傳太和二十一年高昌王馬儒求內
徙高祖納之遣明威將軍韓安保率騎千餘赴
之儒遣禮嘉率步騎一千五百迎安保去高昌
四百里而安保不至禮等還高昌。

按韓安保自伊吾赴高昌而禮嘉來迎當在
高昌城東四百里之地今自塔呼西至招哈
和屯四百里應是當時禮嘉迎韓安保處也。
納呼。

納呼在塔呼西七十里西距闢展城二百一十

金定皇集西域圖志 卷十四
里四圍皆山。濱湖之地可駐牧。其西谷口狹而深。爲闢展東境關隘。

漢書西域傳。車師旁小金附國。隨漢軍後盜車師。車師王復自請擊破金附。

按小金附國。當在車師國東。今納呼在闢展最東境上。山形環抱。險足以守。疑卽當時金附國地。

齊克塔木。

齊克塔木。在納呼西一百四十里。東距闢展城。

七十里。自納呼西入谷口。山徑崎嶇。自高而下。七十里就平地。又七十里至齊克塔木。有水草。可駐牧。有墩有城。

按唐侯君集伐高昌。畧定三州五縣二十二城。今闢展境內金嶺南凡十三城。金嶺北凡七城。金嶺東凡五城。而東境之城則自齊克塔木城始。總計實不止二十二城。則歷朝建置不一。非盡唐時舊蹟矣。

特斯。

特庫斯。在齊克塔木西三十里。西距闢展城四十里。有墩有臺。

特庫斯。

特庫斯。在特斯西二十里。西距闢展城二十里。有墩有臺。有水北流名巴哈。言小也。

洪。

洪在特庫斯南二十里。有城當山谷口。東南通額什墨。西北距闢展城二十里。

唐書西域傳侯君集討高昌。其王文泰謂左右

曰。度磧疲鈍。以逸待勞。臥收其敝耳。十四年。聞王師至磧口。悸駭無他計。發病死。

宋史外國傳。王延德使高昌。至鬼谷口。避風驛。

凡八日。至澤田寺。高昌聞使至。遣人來迎。次。歷地名寶莊。又歷六種。乃至高昌。高昌卽西州也。

按古通高昌有數道。一自伊吾西行。隋書高昌傳。從武威西北有捷路。度沙磧千餘里。四面茫然。無有蹊徑。故客商往來。多取伊吾路是也。一自敦煌度莫賀延磧北行。唐書西域

傳。侯君集伐高昌。王師至磧口。攻田地城是也。宋王延德使高昌。始歷伊州。次歷納職縣城。至鬼谷口。澤田寺寶莊六種。以抵高昌。則自伊吾復繞道南行。折而西北。仍從莫賀延磧之北口以抵其境者也。

又按漢書西域傳。元始中。車師後王國有新道出五船。北通玉門關。來往差近。戊己校尉徐普欲開以省道里半。避白龍堆之隄。三國志引魏畧從玉門關西北出。經橫坑。避三隴。

沙及龍堆。出五般北。到車師界。此爲漢魏時
自玉門關西北通車師之道。在今則自敦煌
縣西北至闐展。皆取道於哈密。折而西行。不
涉流沙龍堆之地。或卽漢魏時故道。然哈密
爲漢伊吾。而班史所述。又無取道伊吾之文。
疑自今之敦煌縣西折而北行。不歷哈密。徑
趨闐展。又別有一道。而不可考也。至莫賀延
磧在闐展東南境。侯君集王延德入口之處。
當屬今之洪地。卽唐書所謂磧口者。則固較

然可睹云。

楚輝

楚輝在洪西北二十里。南倚金嶺。東北距關展城二十里。西距魯克察克城五十里。背山為城。城東有泉。從關展城北西南流。經楚輝城南。

魏書高昌傳。明威將軍韓安保。遣使韓興安等十二人使高昌。高昌王馬儒復遣顧禮將其世子義舒迎安保。至白棘城。去高昌一百六十里。

按魏高昌國都。在今土爾番。楚輝西。距土爾

番城一百六十里。應是魏白棘城地。

色爾啟布。

色爾啟布。在楚輝西四十里金嶺下。東北距闕展城六十里。西南距魯克察克二十里。不當孔道。地近山。少可耕之地。有水從北山下出。南流經城東。分二支流。其西一支經魯克察克城南。以溉田園。利甚溥。

按唐書地理志西州交河郡。統前庭。柳中。交河。蒲昌。天山五縣。而柳中居其東。柳中卽今

魯克察克。則自魯克察克城東至色爾啟布。

楚輝。關展諸城。當屬唐時柳中縣地。

魯克察克。

魯克察克。音對音為魯克沁。在楚輝西五十里。

東北距關展城二百十里。東有長河。由色爾啟

布西南達至其境。為關展東最大聚落。唐柳中

縣治也。雍正初年。土爾番回會額敏和卓。避準

噶爾。後遷於此。十二年。移駐瓜州。乾隆二十

四年。復還故地。

漢書西域傳戊己校尉屯田居車師故地。校尉刁護病。遣史陳良屯桓且谷。備匈奴寇。司馬丞韓元領諸壁。右曲侯任商領諸壘。將數千騎至校尉府。分告諸壁得三百四人。去校尉府數里止。晨火樵。校尉開門擊鼓。收吏士。良等隨入。遂殺校尉刁護。止留戊己校尉城。

後漢書西域傳延光二年。敦煌太守張當上書言。若不能出兵。可置軍司馬將士五百人。四郡供其犁牛穀食。出據柳中。此中計也。帝納之。乃

以班勇爲西域長史。將弛刑士五百人。西屯柳中。勇遂破平車師。又伊吾北有柳中。皆膏腴地。
〔唐書侯君集傳〕君集次磧口而文泰死。子智盛
囊襲位。進營柳谷。於是鼓而前。賊嬰城自守。遣
諭之不下。乃刊木塞塹。引撞車毀其堞。飛石如
雨。所向無敵當。因拔其城。俘男女七千。進圍都
城。〔西域傳〕高昌田地城。戊己校尉所治也。侯君
集伐高昌。王師至磧口。奄攻田地城。契苾何力
以前軍鏖戰。是夜星墜城中。明日拔其城。虜七

千餘人。

文獻通考

唐平高昌以田北城

地即田城

為柳中。

元史地理志

西北地附錄魯克察克

舊作魯古塵今改正

明史西域傳

柳城一名魯陳又名柳陳即後漢

柳中地唐置柳中縣西去哈喇和卓七十里東

去哈密千里經一大川渡流沙在火山下有城

屹然廣二三里即柳城也四面皆田園流水環

繞樹木蔭翳永樂四年劉特穆爾

舊作帖木兒今改正使

巴什伯里因命齎幣賜柳城酋長嗣是屢入貢

柳城密邇哈喇和卓。土爾番凡遣朝使。及會長入貢。都與之偕。後土爾番強。遂爲所滅。

按今魯克察克。本漢柳中地。戊己校尉城此。因名柳城。後訛爲柳陳。轉爲魯陳。復轉爲魯古塵。肅州新志作魯谷慶。一名魯普秦。後名魯克沁。要不外音之相襲成訛也。通考唐以田北城爲柳中縣。卽西域傳所謂田地城。北與地字相類。當屬傳寫之誤。其城卽漢戊己校尉。後漢長史班勇所居。本屬漢柳中地。是

以唐爲柳中縣與唐書載田地縣戊己校尉所居之說合。明史稱戊己校尉城在哈喇和卓。其說爲無據矣。

洋赫。

洋赫。在魯克察克西北二十里。東北距闢展城二百三十里。亦以金嶺爲屏障。有小城。

哈喇和卓。

哈喇和卓。在洋赫西北三十里。東北距闢展城二百六十里。地方三里許。舊城已廢。民別居小

堡。石膏肥美。水源北出金嶺下。經沙磧至滲金口。匯為大渠。入哈喇和卓。唐交河郡高昌縣治也。

隋書西域傳高昌國。其都城周迴一千八百四十步。國內有城十八。

唐書地地志西州交河郡。領縣前庭。本高昌。寶應元年更名。

文獻通考唐平高昌。以高昌為高昌縣。

元史地理志西北地附錄。哈喇和卓。

舊作合刺火者。今改。

正。

明史西域傳和卓。

舊名火州。今改正。

又名哈喇。在柳城

西七十里。土爾番東三十里。卽漢車師前王地。

隋時爲高昌國。元名和卓。統號輝和爾。置達爾

噶齊。

舊作達魯花赤。今改正。

監治之。永樂四年。命劉特穆

爾齋綵幣賜其王子哈散。明年遣貢方物。十一

年秋。命陳誠。李暹等。以璽書文綺往勞。僧寺多

於民居。東有荒城。卽高昌國。西北連巴什伯里。

國小不能自立。後爲土爾番所并。

按隋高昌國都城。卽唐西州交河郡治。所統

前庭。柳中。交河。蒲昌。天山五縣。前庭與交河

郡同治。今洋赫。哈喇和卓。阿斯塔克。土爾番

諸城是也。柳中居前庭之東。今魯克察克以

東諸城是也。交河居前庭之西。今招哈和屯

以西諸城是也。蒲昌縣以蒲昌海得名。在前

庭縣東南。今其邊界不可考。約自勒木丕城

迤東南一帶是也。天山縣在前庭縣北。以天

山得名。今之金嶺以北諸城是也。唐書地理

志前庭縣注本高昌。是唐改高昌縣爲前庭縣。卽隋高昌國都城。明史誤稱哈喇和卓爲火州。遂謂山色青紅如火。漢戊己校尉所治。今考其地。知和卓與火州以音近而訛。山色如火。又以火州之訛。而傳會其辭。實皆無據。漢戊己校尉治。在魯克察克。亦與哈喇和卓無涉。

阿斯塔克。

阿斯塔克。在哈喇和卓西五里。東北距闐展城

二百六十五里。有城。相傳其先國師所居。有河自金嶺南麓南行。分二支流。其東流經哈喇和卓城左。西流經阿斯塔克城右。

玉門口。

玉門口。在哈喇和卓西北十里。東距闢展城二百七十五里。東北兩山陡立。徑寬平。內外皆有墩臺。舊有關名古玉門關。已毀。存口玉二小字。可辨爲土爾番及哈喇和卓往山北大路。入谷迤西北行十餘里出北口。東北十五里至森尼

木。

按此舊傳爲古玉門關。第攷漢書地理志玉門關陽關。皆在敦煌郡龍勒縣。西域傳出陽關自近者始曰婁羌。去陽關千八百里。西北至鄯善。鄯善西北至車師千八百九十里。是玉門。陽關。皆在車師東南千餘里。土爾番卽車師。焉得有玉門關乎。蓋其國慕中國玉門關之名。故以名其山口。後中國人至此。謂卽漢玉門關者非也。

勒木丕。

勒木丕。在阿斯塔克西南二十里。東北距闕展城二百八十五里。有小城。南抵沙磧。西南行四百里至羅布淖爾。

〔唐書地理志〕交河郡。領縣蒲昌。本隸庭州。後來屬。西有七屯城。弩支城。石頭鎮。潘仙鎮。

按今勒木丕西南。經羅布淖爾。當屬唐蒲昌縣地。其城鎮遺墟。湮於沙磧。不可得而考矣。

土爾番。

土爾番。舊對音爲吐魯番。在阿斯塔克西北五十八里。東距闢展城三百二十三里。北倚金嶺。嶺麓有泉南流。周繞國城。民田資其灌溉。地廣土肥。氣溫煖無雨雪。唐高昌縣有安樂城。卽其遺址也。乾隆二十一年。封莽噶里克爲扎薩克公。駐其地。尋叛伏誅。封額敏和卓子素賚滿於此。

明史西域傳。土爾番。在哈喇和卓西百里去哈

密千餘里。唐置西州交河縣。此則交河縣安樂城也。

按今土爾番城。卽唐安樂城故址。肅州新志稱其西北百里有靈山。今考土爾番城北距金嶺甚近。而博克達鄂拉。則在土爾番城西北百里外。是肅州新志所謂靈山者。應指今博克達鄂拉而言。而土爾番城爲安樂城故地。益可見矣。

招哈和屯。

招哈和屯。亦稱交河城。在土爾番城西二十里。東距闢展城三百五十里。招哈郭勒出其北。郭勒之水。分道南流。環城左右。卽漢時交河舊地也。北倚金嶺。峯巒層疊。經城西而迤南。形勢佳勝。民物殷繁。

〔漢書西域傳〕車師前國。治交河城。西南至都護治所千八百七里。至焉耆八百三十五里。地節二年。侍郎鄭吉。校尉司馬熹。發城郭諸國兵萬餘人。自以所將田士千五百人。擊車師。攻交河

城破之。

後漢書西域傳建初元年。酒泉太守段彭大破車師於交河城。

唐書西域傳高昌王都交河城。漢車師前王庭也。侯君集伐高昌。軍進填隍。引衝車飛石如雨。城中大震。智盛謁軍門。請改事天子。君集諭使降。詞未屈。薛萬均勃然起曰。當先取城。小兒何與語。麾而進。智盛流汗伏地。曰。唯公命。乃降。地理志交河郡交河縣。縣北八十里至龍泉館。又

北入谷一百三十里。經柳谷度金沙嶺。經石會漢戍。至北庭都護府城。

文獻通考君集以兵傅其城。智盛降。以交河城爲交河縣。

按漢書焉耆國西南至都護治所四百里。車師前國至焉耆者八百三十五里。由車師前國假道焉耆至都護治所。實不過一千二百三十五里。如取徑道宜更有近於此者。安得自車師前國至都護治所有一千八百七里之

遠乎。卑陸國南接車師。去都護治所一千二百八十七里。則此八百字應亦二百字之誤。又漢書載車師六國。大者三百戶。小者或四五十戶。惟車師前王國。實七百戶。當不一城。以形勢求之。自交河城以東至闐展諸城。凡在金嶺環抱中者。當盡屬車師前國地也。

雅木什。

雅木什。在招哈和屯西南十五里。東距闐展城三百六十八里。城周里許。東倚金嶺。西北望都魯。

達巴。招哈郭勒之水。自金嶺西出。折而東南流。至雅木什南。

安濟彥。

安濟彥。在雅木什西五里。東距關展城三百七十三里。城周里許。不當孔道。

布干。

布干。在安濟彥西南三十里。東距關展城三百八十三里。有城周二里許。山北有泉名哈畢爾噶。南流成大澤。在磧中。

托克三。

托克三。在布干西南六十里。東距闢展城四百十三里。有城周二里許。西北直都魯達巴。自此南行十里至蘇巴什塔克。又西行通哈喇沙爾。按自布干。托克三以西。至蘇巴什谷口。爲闢展西境。分住回民。均隸闢展。至諸處安設臺站。則析屬於哈喇沙爾。以均勞逸。與疆域原隸方隅不同。凡回部各屬交界處。多有類是者。爲例舉于此。臺站別詳兵防門。

伊拉里克。

伊拉里克。在托克三西四十里。東距闕展城四百五十三里。有城周里許。北直都魯達巴。闕展西盡境也。

按唐交河郡凡五縣。天山縣在金嶺北。天山南。蒲昌縣在前庭南。近蒲昌海。其在金嶺南者爲前庭。柳中。交河三縣。前庭以高昌城置。宜居中。柳中以田地城置。宜居東。交河以交河城置。宜居西。今自招哈郭勒以西。雅木什。

布干。托克三。伊拉里克諸城。當屬漢交河縣地。特其縣治。在今招哈和屯耳。

連木齊木。

連木齊木。在闢展城西八十里。由山南色爾啟布八谷。灑迤東行二十里。出山北口。東傍山麓。有小城。有水經城西北流。西境皆平田。爲漢車師後城長國地。

按連木齊木。南距魯克察克四十五里。魯克察克爲漢戊己校尉。後漢長史所居之城。

則此當爲漢書西域傳所載後城長國也。

雅圖庫。

雅圖庫。在色爾啟布北山口內七里。東距關展城七十里。東行有歧路。轉而西北。會於連木齊木。有小城。爲漢車師都尉國地。

按漢書於車師都尉國。後城長國。牽連得書。必其境地毗連者。今雅圖庫與連木齊木附近。又北接罕都。其爲漢城遺址可知。

罕都。

罕都。在連木齊木東北二十五里。東南距闢展城一百里有土城。西南有小山。上有二墩。相傳漢時所築。並訛稱其地為漢墩。

按罕都方位。與車師都尉國。後城長國相屬。應亦當時二國所隸之境。

蘇巴什。

蘇巴什。在連木齊木西二十五里。東距闢展城一百五里。地有小堡。迤西入北山口。東西兩岸石壁崎嶇。或沙坡斜倚。谷間水流甚急。艱於行。

名土域溝。

漢書西域傳郁立師國。王治內咄谷。東與車師後城長。西與卑陸。北與匈奴接。

按郁立師於漢亦小國。藏山谷間。今之森尼木爲卑陸國。居西。連木齊木爲車師後城長國。居東。則此宜爲郁立師國也。

森尼木。

森尼木。在蘇巴什西北三十里。西距關展城一百三十五里。有城。城西有長河。南流爲漢卑陸

前國地

漢書西域傳卑陸前國。王治天山東乾當國。南至都護治所千二百七十八里。

魏畧畢陸國。并屬車師部。

按漢書乾當國。應為乾當谷。三國志引魏畧作畢陸國。亦傳寫之訛也。

汗和羅。

汗和羅在森尼木東北一百里。東南距闐展城一百五十里。天山下。不當孔道。山形環抱。地勢

幽敞。土爾番北鄙也。爲漢卑陸後國地。

漢書西域傳卑陸後國。王治番渠類谷。東與郁立師北與匈奴。西與劫國。南與車師接。

按卑陸前後國。亦居山谷。今之蘇巴什爲郁立師國。居東。穆圖拉克布。拉里克爲劫國。居西。則今森尼木汗和羅宜爲卑陸前後國也。

穆圖拉克。

穆圖拉克。在森尼木西北六十里。東南距闕展城一百九十五里。不當孔道。

布拉里克。

布拉里克。在森尼木西北七十里。東南距闢展城二百五里。不當孔道。又北爲塔里朗。地有小泉。足資灌溉。又西南有地名雅圖。西南踰小山。抵安濟彥。

〔漢書西域傳〕劫國。王治天山東丹渠谷。西南至都護治所千四百八十七里。

按穆圖拉克。與布拉里克。相去僅十里。當是一國。漢書稱卑陸西與劫國接。今此二堡在

森尼木之東。則當爲劫國故地。

又按闐展全境形勢。北峙天山。東西綿亘。至
今迪化州之南。由托克喇鄂拉折而北行百
餘里。爲博克達鄂拉。復折而東南行。此北行
百餘里之地。南北綿亘。又自托克喇鄂拉之
東。哲爾格斯鄂拉分支。爲都魯達巴。迤東爲
金嶺。當土爾番北。此一支山在北天山正幹
之南。亦東西綿亘。金嶺都魯達巴以南。東自
闐展城。西至伊拉里克。爲車師前王國地。金

嶺以北。東自連木齊木。西至布拉里克。爲車
師後城。及山北六國地。面臨金嶺。背倚天山。
漢書稱卑陸國治乾當谷。後國治番渠類谷。
郁立師國治內咄谷。西且彌國治于大谷。東
且彌國治兌虛谷。劫國治丹渠谷者。皆在兩
山之間。故皆以谷名也。又稱卑陸且彌劫國。
治天山東。自托克喇鄂拉。至博克達鄂拉。南
北綿亘百餘里。金嶺以北諸城。居其東境。故
曰在山東也。諸國沿革。史無明文。然以漢書

東西方位驗之。有可推而知者。自金嶺以南諸城爲車師前庭高昌壁無論已。其山南嶺北諸國。卑陸東與郁立師。西與劫國接。故劫國居西。爲今之穆圖拉克。布拉里克。卑陸居東。爲今之森尼木。又東則郁立師。爲今之蘇巴什也。郁立師東與車師後城長國接。則車師後城長國。在郁立師東。爲今之連木齊木也。東西且彌國。班史方位不詳。然考東蒲類王。茲力支降都護。分車師後王之西。爲烏貪

訾離地以處之。而烏貪訾離國。南與且彌接。可知烏貪訾離。卽車師後國分地。而且彌在烏貪訾離之南。車師後王國。在今博克達鄂拉北。且彌國當在其南。再以居天山東谷之文証之。其國當在都魯達巴北。博克達鄂拉南。谿谷之間。又范史無西且彌國。當時必爲東且彌所并。三國志引魚豢魏畧。東且彌國。西且彌國。皆并屬車師後部。是又以山南而隸乎山北也。

卷之七

大正三皇古戎圖云

卷一四

疆域七

三二

欽定皇輿西域圖志卷之十四

欽定皇輿西域圖志卷之十五目錄

疆域八

天山南路二

哈喇沙爾屬

哈喇沙爾

烏沙克塔勒

察罕通格

楚輝

塔噶爾齊

特伯勒古

碩爾楚克

博爾海

哈勒噶阿滿

庫隴勒

車爾楚

策特爾

英噶薩爾

玉古爾

鄂頗爾

庫車屬

兼轄沙雅爾

庫車

阿巴特

托和尕

常格

哈喇阿薩爾

裕赤哈喇

阿勒玉蘇布

羸和

達烏圖

庫克體騫

哈魯納斯

特勒伯

額什克巴什

特集克

奇里什

沙雅爾

托伊博羅多

塔里木

塔木根庫勒

喀伊木阿塔

坡斯

查盤

哈爾噶齊

庫克布葉

葉勒阿里克

葉伊勒干

布古斯孔郭爾郭

布古斯孔郭爾郭

布古斯孔郭爾郭

布古斯孔郭爾郭

布古斯孔郭爾郭

布古斯孔郭爾郭

布古斯孔郭爾郭

布古斯孔郭爾郭

欽定皇輿西域圖志卷之十五

疆域八

天山南路二。

哈喇沙爾屬。東至烏沙克塔勒。出蘇巴什塔克口。東南至察罕通格。出納林奇喇塔克口。接闕展界。西至第納爾郭勒。接庫車界。北至天山。踰山接安西北路。廸化州。昌吉。綏來縣界。南踰沙山至羅布淖爾。

哈喇沙爾

哈喇沙爾。在闕展西一千六十里。踰哈喇烏蘇

至其地。距京師九千一百里。有舊城二。一在海

都郭勒西十里。一在海都郭勒西南二十里。久

廢。今移建新城於哈喇沙爾。周一里五分。土田

肥沃。魚鹽蒲葦之饒。甲於他處。爲古焉耆國地。

漢書西域傳焉耆國。王治員渠城。西南至都護

治所四百里。南至尉犁百里。北與烏孫接。近海。

水多魚。焉耆國近匈奴。叛殺都護但欽。莽不能

討。天鳳二年。遣五威將王駿等。將莎車。龜茲兵

七千餘人。分爲數部入焉耆。焉耆伏兵要遮駿。及姑墨。尉犁。危須國爲反間。還共襲擊駿等。皆殺之。惟戊巳校尉郭欽別將兵後至焉耆。焉耆兵未還。欽擊殺其老弱引兵還。

後漢書班超傳。永平十八年。焉耆攻沒都護陳睦。永元六年。超發龜茲。鄯善等八國兵討焉耆。焉耆王廣大恐。乃欲悉驅其人共入山。超大會諸國王。揚聲當重加賞賜。於是廣詣超。國相腹久等亡入海。超收廣等於陳睦故城。斬之。傳首

京師更立焉耆王。於是西域五十餘國悉皆內屬。西域傳焉耆國王居南河城。北去長史所居八百里。其國四面有大山。與龜茲相連。道險阨易守。有海水曲入四山之內。周而其城三十餘里。

晉書西戎傳焉耆國方四百里。武帝太康中。其王龍安遣子入侍。世子會少而勇傑。安謂曰。我嘗爲龜茲王白山所辱。汝能雪之。乃吾子也。及會立。襲滅白山。遂據其國。遣子熙歸本國爲王。

會有膽氣籌畧。葱嶺以東。莫不率服。爲龜茲國
人羅雲所殺。沙州刺史楊宣疆理西域。熙率羣
下四萬人。肉袒降於宣。呂光討西域。復降於光。
及光僭位。熙又遣子入侍。

〔魏書西域傳〕焉耆國在車師南。都員渠城。白山
南七十里。其王姓龍。名鳩尸卑那。卽前涼張軌
所討龍熙之後。東去高昌九百里。西去龜茲九
百里。皆沙磧。東南去瓜州二千二百里。恃地險。
頗剽劫中國使。世祖詔萬度歸討之。屠其城。具

王奔龜茲。

〔隋書西域傳〕焉耆國。都白山南七十里。漢時舊國也。其王姓龍字突騎。大業中。遣使貢方物。

〔唐書西域傳〕焉耆國。直京師西七千里而羸。橫六百里。縱四百里。東高昌。西龜茲。南尉犁。北烏孫。太宗貞觀六年。其王龍突騎支始遣使來朝。侯君集討高昌。突騎支引兵佐唐。西突厥約爲輔車勢。不朝貢。安西都護郭孝恪討之。執突騎支。以粟婆準攝國事。焉耆立粟婆準。而從兄薛婆

阿那支自爲王。號瞎千。執粟婆準獻龜茲。殺之。
阿史那社尒討龜茲。阿那支奔之。爲社尒所禽。
斬以狗。立突騎支弟婆伽利爲王。以其地爲焉
耆都督府。婆伽利死。國人請還前王突騎支。高
宗許之。開元七年。以焉耆備四鎮。詔天寶常朝
貢。地理志焉耆都督府。貞觀十八年滅焉耆。置
突厥傳有特厖勒居焉耆城。稱葉護。餘部保金
莎。領衆至二十萬。

唐西域記出高昌故地。自近者始。曰阿耆尼國。

舊曰烏鳥為焉者。東西六百餘里。南北四百餘

里。國大都城周六七里。四面據山。道險易守。衆

流交帶。引水為田。

〔元史地理志〕至元十五年。授巴克察徹爾舊作八撤

察里。今改正虎符。掌巴什伯里。舊作別失八里。今改正畏兀城

子。里軍站事。十七年。以萬戶綦公直。戍巴什伯

里。十八年。自大和嶺至巴什伯里。置新站三十

二十年。立巴什伯里。和州等處宣慰司。二十三

年。遣侍衛新附兵千人。屯田巴什伯里。置元帥

府。卽其地以總之。

明史西域傳巴什伯里。西域大國也南接于闐

北連衛拉特。

舊作瓦刺。今改正。

西抵賽瑪爾堪。

舊作撒馬兒罕。

今改正。

東抵哈喇和卓。

舊作火州。今改正。

東南距嘉峪關

三千七百里。或曰焉耆。或曰龜茲。元世祖時設

宣慰司。尋改爲元帥府。其後以諸王鎮之。洪武

中。其王喀第爾和卓。

舊作黑的兒。火者。今改正。

卽遣千戶克

瑪里丁。

舊作哈馬力。今改正。

等來朝貢。二十四年。命主

事肯徹。

舊作寬徹。今改正。

等使西域以書諭哈第爾和

卓成祖即位之冬遣官齎璽書綵幣使其國。十

六年貢使蘇卜克。舊作速哥。今改正。言其王為從弟烏

蘇。舊作歪思。今改正。所弑而自立。徙其部落而去。更國

號曰伊勒巴拉。舊作亦力把里。今改正。帝以番俗不足治。

授蘇卜克為都督僉事。自後使臣多授官。成化

元年定西域朝貢期。令伊勒巴拉三歲五歲一

貢。使者不得過十人。自是朝貢遂稀。

案哈喇沙爾城北倚大雪山。額格爾齊塔克

屏其東南。庫隴勒塔克繞其西南。遙山環拱。

所包地面縱橫四五百里。當爲焉耆國全境。後漢書謂四面有大山。唐書謂橫六百里。縱四百里。西域記謂東西六百餘里。南北四百餘里。四面據山者是也。山內海都郭勒南趨。會博斯騰淖爾之水。西南出庫隴勒塔克口。東赴羅布淖爾。羅布淖爾爲古蒲昌海。所謂海水曲入山內者也。云曲入者。約畧之詞。其實四山內之水。流出注海耳。哈喇沙爾。東去闢展一千六十里。西去庫車一千里。闢展古

高昌庫車古龜茲。與魏書焉耆東去高昌九
百里。西去龜茲九百里之說。大畧相合。則其
爲古焉耆無疑也。惟是城郭變遷。今城南去
博斯騰淖爾止四里。以魏書南去海十餘里
之文証之。度古員渠城故址。猶在今城北十
數里。所謂水而其城三十餘里者。形勢宛存。
至其國本在車師前國西南。而魏書云在車
師南。唐書王名突騎支。而隋書止稱突騎。此
紀載之疎也。

又案焉耆自宋以後。史傳不著其入朝中國。然考宋史載咸平四年。回鶻可汗王祿勝遣曹萬通來貢。稱其國東至黃河。西至雪山。有小郡數百。別有夜落紇通朝貢。龜茲亦回鶻別種。東至夏州九十日。或稱西州回鶻。或稱西州龜茲。又稱龜茲回鶻。自天聖至熙寧五年。入貢者七。則自西州以至龜茲。爲今關展西至庫車之地。皆屬回鶻。故其名通用。而朝貢不絕。特焉耆之號無存耳。降自元明。國號

巴什伯里。元置軍站宣慰司。元帥府於此。而明史稱其南接于闐。北連衛拉特。西抵賽瑪爾堪。東抵哈喇和卓。或曰焉耆。或曰龜茲。是當時巴什伯里疆域甚廣。自今烏沙克塔勒諸城。踰哈喇沙爾庫車而西。皆其境也。

烏沙克塔勒。

烏沙克塔勒。在哈喇沙爾城東二百十五里。自闢展西行。入蘇巴什塔克口。又西南行。踰庫木什阿克瑪塔克。額格爾齊塔克。三百四十里至

其地。爲哈喇沙爾東境。

〔唐書地理志〕經盤石百里。有張三城守捉。

案烏沙克塔勒東之額格爾齊塔克。爲唐地理志所載之盤石。

說見山。

由是西行。得烏沙克

塔勒之廢城。應卽所謂張三城者也。唐置守捉於此。固地利所必爭歟。

察罕通格。

察罕通格。在烏沙克塔勒西。西南距哈喇沙爾城一百九十五里。地有廢城。城西有泉。委折而

南經烏沙克塔勒城東。分導灌田。自闢展西入納林奇喇塔克。博羅圖塔克谷口。循博羅圖郭勒踰塔什海至其地。爲哈喇沙爾東北境。

楚輝。

楚輝。在烏沙克塔勒西五十里。察罕通格西南七十里。有城垣。西距哈喇沙爾城一百二十五里。自烏沙克塔勒。察罕通格。南北兩道。至此會而爲一。

魏書焉耆傳。成周公萬度歸入焉耆東界。擊其

邊守左回。尉犁二城。拔之。進軍向員渠。

唐書地理志張三城西南一百四十五里。經新城館。

案左回與楚輝字音相近。而居哈喇沙爾城東。應屬當時東界邊守之城。是今之楚輝。卽魏左回城。更以今之烏沙克塔勒。卽唐張三城推之。則楚輝應屬新城。然唐志兩城相去一百四十五里。今兩城相距僅五十里。則亦非當時舊址也。

塔噶爾齊。

塔噶爾齊。在楚輝西三十里。踰小河一道至其地。西距哈喇沙爾城九十五里。

特伯勒古。

特伯勒古。在塔噶爾齊西十五里。踰奇爾歸圖郭勒至其地。有小城。西踰哈喇沙爾城八十里。自烏沙克塔勒。察罕通格。楚輝。至此得四城。皆居哈喇沙爾城東。漢時危須國。當在此間。

〔漢書西域傳〕危須國。王治危須城。西至都護治

所五百里。至焉者百里。

魏畧危須國。并屬焉者。

案漢書山國。西至尉犁二百四十里。至危須二百六十里。而尉犁在焉者南。危須在焉者東。境界毘連。厥後盡爲焉者所并。晉魏隋唐諸史所云。四面有大山者。舉其旣并之後言之。則今自東之額格爾齊塔克。西至庫隴勒塔克。南之沙山。北之石山。四山之中。盡焉者國地。其在於漢。則危須尉犁焉者三國。皆在

大山環抱之內。縱橫四五百里間。今以唐書地理志自西州至焉耆鎮城道里考之。則所謂焉耆鎮城者。當屬今之哈喇沙爾。由是而推。東爲危須。西南爲尉犁。方位較然。是漢時所謂危須城者。必在特伯勒古以東。察罕通格以西。四城間矣。

碩爾楚克。

碩爾楚克。東北距哈喇沙爾城四十里。有水草。可駐牧。其東北二十里有舊城。

博爾海。

博爾海。在碩爾楚克西南二十里。東北距哈喇沙爾城六十里。

哈勒噶阿端。

哈勒噶阿端。在碩爾楚克南五十里。東北距哈喇沙爾城九十里。在古當爲尉犁國地。海都郭勒繞其南。西趨庫隴勒。

漢書西域傳尉犁國。王治尉犁城。西至都護治所三百里。南與鄯善且末接。又焉耆國。南至尉

犁百里。

魏畧尉犁國并屬焉者。

案漢書焉耆西南至都護治所四百里。尉犁西至都護治所三百里。是尉犁爲焉耆西南百里國可知也。云焉耆南至尉犁百里者。或傳寫之訛耳。夫焉耆正南海水瀾漫。海北旣無容國之地。若在海南。何止百里哉。况後漢班超討焉耆。自西而來。先至尉犁界。焉耆王廣。絕葦橋以拒漢軍。超更從他道厲度。觀此

則尉犁至焉耆。中有水道隔絕明甚。今哈喇沙爾之爲焉耆。旣無可疑。而哈喇噶阿端。在其西南九十里。中隔海都郭勒。當年形勢猶有存者。則此當屬尉犁故城也。北魏萬度歸擊其邊守左回。尉犁二城。左回卽楚輝。尉犁卽漢尉犁國城。其爲今之哈勒噶阿端城可知。魏畧尉犁應犁字之訛。稱其并屬焉耆。而文獻通考亦云焉耆。後并有尉犁。蓋尉犁旣并之後。焉耆西境。卽以今庫隴勒爲界云。

庫隴勒。

庫隴勒。在哈勒噶阿端西南七十里。東北距哈喇沙爾城一百八十里。山勢險峻。古焉耆以西諸國關隘也。山南海都郭勒繞而西流。山麓瀕河處。右山左河。徑極險窄。河南岸爲庫隴勒城。其東境傍山六十里爲庫轍瑪。南濱羅布淖爾。唐書西域傳自焉耆西南步二百里。度小山。經大河二。又步七百里至龜茲。

案庫隴勒。在漢當屬尉犁國西境。與額格爾

齊塔克。東西環抱。爲焉耆國西南屏。所謂四面有山者也。若今之哈喇沙爾西境。直踰玉古爾至第納爾郭勒。蓋已兼有漢時輪臺渠犁之地。未可以焉耆一境當之矣。

車爾楚。

車爾楚。在庫隴勒西一百七十里。東北距哈喇沙爾城三百五十里。踰海都郭勒而至。西抵額什墨郭勒。

晉書西戎傳沙州刺史楊宣。疆理西域。宣以部

將張植爲前鋒。所向風靡。軍次焉耆。熙拒戰於賁崙城。進屯鐵門。未至十餘里。熙又率衆先要之於遮留谷。植將至。或曰谷名遮留。殆將有伏。單騎嘗之。果有伏發。植馳擊敗之。進據尉犁。

唐書地理志自焉耆西五十里。過鐵門關。又二十里。至于術守捉城。

案晉書鐵門。應卽唐書之鐵門關。今庫隴勒爲古焉耆西境。則焉耆西五十里之鐵門關。宜在今車爾楚之東也。晉書遮留谷。未至鐵

門十餘里。唐書于術守捉城。東至鐵門關二十里。宜與今車爾楚相近。晉楊宣部將張植由鐵門遮留谷而進據尉犁。尉犁在漢爲焉耆西南百里國。在晉爲焉耆西界之城。是時疆理西域。還攻焉耆。從國之西境入。是以先據尉犁。而鐵門遮留谷之在今哈喇沙爾西境。益無疑也。

策特爾。

策特爾。在車爾楚西一百四十里。東北距哈喇

沙爾城四百九十里。踰額什墨郭勒至其地。饒水草。

〔漢書西域傳〕宣帝時遣衛司馬使護鄯善以西數國。時漢獨護南道。未能盡并北道也。神爵三年。使鄯善并護北道。故號曰都護。督察烏孫。康居諸外國。治烏壘城。去陽關二千七百三十八里。與渠犁田官相近。土地肥饒。於西域為中。故都護治焉。又云烏壘城與都護同治。

〔後漢書西域傳〕莎車王賢。攻殺龜茲王。遂兼其

國乃分龜茲爲烏壘國。徙駟韃爲烏壘王。

唐書地理志河西內屬諸胡州十二。一名烏壘州。

案烏壘爲前漢都護治所。漢書謂在焉耆西南四百里。尉犁西三百里。今自哈勒噶阿端至庫隴勒。爲尉犁國地。則自庫隴勒西至策特爾三百里。爲烏壘之地無疑。所謂烏壘城者。當於是乎在。後漢龜茲爲莎車所滅。分其地爲烏壘國。卽此城也。唐爲河西之烏壘州。

謂之河西者。地屬海都郭勒西境。烏壘爲河西最東之州也。自策特爾南行。瀕額爾勾郭勒。爲漢渠犁國地。

〔漢書西域傳〕渠犁城。東北與尉犁。東南與且末。南與精絕接。西有河。至龜茲五百八十里。廣饒水草處。溫和。田美。可益通溝渠。種五穀。與中國同時熟。又烏壘南三百三十里。至渠犁。

〔唐書地理志〕渠犁都督府。

案渠犁爲漢時小國。在烏壘南三百三十里。

度其地瀕今額爾勾郭勒。河水東入羅布淖爾。當在渠犁南。而史云西有河者。水流屈曲。或西境薄河。舉其近者言之耳。地處天山之陽。得水泉之利。故以爲處溫和田美。可益通溝渠。種五穀也。晉魏以降。其名不著。當爲龜茲所并。唐時渠犁都督府。則因其舊而名之耳。

英噶薩爾。

英噶薩爾。在策特爾西七十里。東北距哈喇沙

爾城五百六十里。舊有城。恩楚魯克郭勒。經流其地。

〔唐書地理志〕于術守捉城。又二百里至榆林守捉。

案唐于術守捉城。與今車爾楚相近。則西二百里之榆林守捉。宜在英噶薩爾間也。又唐書自榆林守捉西五十里。至龍泉守捉。當在今英噶薩爾之西。

詳見水。

玉古爾。

玉古爾。在英噶薩爾西一百二十里。踰伊蘭布拉克至其地。東北距哈喇沙爾城六百八十里。有城垣。當孔道。蓋卽古輪臺地也。由是西行接庫車界。

史記大宛傳貳師軍至侖頭。侖頭不下。攻數日屠之。又曰侖頭有田卒數百人。

漢書西域傳昭帝時。以扞彌太子賴丹爲校尉。將軍田輪臺。輪臺與渠犁地相連也。龜茲貴人姑翼謂其王曰。賴丹本臣屬吾國。今佩漢印綬。

來迫吾國而田。必爲害。王卽殺賴丹。而上書謝漢。漢未能征。

魏書西域傳龜茲國。東有侖臺。卽漢貳師將軍李廣利所屠者。

唐書地理志北庭大都護府。領輪臺縣。有靜塞軍。大曆六年置。又有輪臺州都督府。又自龍泉守捉六十里。至東夷僻守捉。

案侖頭卽輪臺。漢時小國。李廣利屠之。後其國并於龜茲。而舊城尙存。故漢屯田之使。於

斯托處。漢書稱其與渠犁地相連。魏書謂在龜茲國東。蓋渠犁西去。卽爲輪臺。亦瀕河之地。漢詔輪臺西於車師千餘里。特粗舉其槩爾。其實輪臺在車師西南也。唐書有輪臺縣。復有輪臺州者。縣與金滿。後庭。西海並列。所轄之境殊廣。州屬北庭二十三都督府之一。視縣爲小。而均隸北庭。原非兩地。又唐書地理志。所謂龍泉爲伊蘭布拉克。詳見水則西六十里之東夷僻守捉。當在玉古爾西也。又案

唐書地理志注云。自庭州西延城西六十里
有沙鉢城守捉。又有馮洛守捉。又八十里有
耶勒城守捉。又八十里有俱六城守捉。又百
里至輪臺縣。

鄂頗爾。

鄂頗爾在英噶薩爾北三十里。東距哈喇沙爾
城五百九十里。自英噶薩爾經此西行。可通庫
車。

以上屬哈喇沙爾

庫車屬。

兼轄沙雅爾。

庫車。東至第納爾郭勒。接哈喇

沙爾界。西至烏恰特達里雅。

亦名鄂根河。

接賽喇木

界。南至烏恰特達里雅。北至額什克巴什鄂拉。

通天山北路伊犁界。沙雅爾。東至托伊博羅

多。接哈喇沙爾界。南至塔里木。濱大河西至塔

木根庫勒。接阿克蘇界。北至烏恰特達里雅。

庫車。

庫車。在第納爾郭勒西二百五十里。距京師一

萬八十里。城周四里六分。東南北三面形圓。西

面形方。高一丈九尺。乾隆二十三年五月。大兵追討逆回霍集占。至此六月。霍集占來援庫車。我師敗之於烏恰特達里雅。以殘兵入庫車城。七日復西遁。八月逆黨阿布都克勒木拒守未下。攻之。閱三月。舊伯克阿集等以城降。城西六十里曰沙爾達朗。西行至烏恰特達里雅。西北行至赫色勒郭勒。

御製軍書。

戊寅

軍書羽速至。謂喜顧生恨。言志兼紀事。顛末必傳信。

先是拳回纛將謂賊渠遁茲因沙雅降雅爾哈善等先以迎勦霍

集占殲眾拳旗回酋兔脫奏報至是沙雅爾城回長阿三和卓木乞降錄其供詞始將霍集占敗入庫車

潰圍不得出後乘黃夜遁去諸將並未追擒情節歷歷敘明伯克親詳訊始知霍

集占來救庫車因爲我兵所截入城欲伺釁合力旋
突出被遮復挫鞞乃率四百騎夜出身免慙咄哉堪
扼腕選將吾未慎失機有如此是豈疏防僅譬鴟自
投羅解放翻成吝夷考自軍興誤事率臣蓋徒憐諸
士卒奮勇冒白刃賴

天雖有成決策屢多悶自責不知人違敢弛國憲

御製得庫車誌事

有序
戊寅

庫車之圍將軍雅爾哈善坐失事機方小和卓木
 率眾來援屢經被殲而任其潛入潛出若罔聞知
 前後奏報矛盾俱見前詩知其株守淹時必致逆
 黨免脫坐得空城以自解今報至悉如所料詩以
 識恨

我師久圍賊庫車

讀作
歌韻

殲其援者紛如麻惟是將軍

無紀律卒致竄走彼么麼軍書之什已誌恨後聞地

穴為賊遮

雅爾哈善用綠營穴地火攻計轉為賊覺
 橫截一溝焚燒兵丁乃不自引咎惟委罪

將佐
塞責

預料將得空城耳。彼賊腹心仍逃他驛。章忽至共披閱。一一如言。曾不差言。則不差事。則僨用匪其人。愧若何。

〔漢書西域傳〕龜茲國。王治延城。去長安七千四百八十里。南與精絕。東南與且末。西南與杆彌。

史記作杆采後
漢書作拘彌

北與烏孫。西與姑墨接。東至都

護治所烏壘城三百五十里。初貳師將軍李廣利擊大宛。還過杆彌。杆彌遣太子賴丹爲質於龜茲。廣利責龜茲曰。外國皆臣屬於漢。龜茲何

以得受杆彌質。卽將賴丹入至京師。昭帝以丹爲校尉。將軍田輪臺。龜茲王殺賴丹。宣帝時長羅侯常惠使烏孫還。攻龜茲。責以前殺校尉賴丹。龜茲王謝曰。迺我先王時。爲貴人姑翼所誤。我無罪。執姑翼詣惠。惠斬之。時烏孫公主遣女來至京師。學鼓瑟。漢遣侍郎樂奉送公主女過龜茲。龜茲前遣人至烏孫求公主女。未還。會女過龜茲。龜茲王留不遣。復使使報公主。主許之。後公主上書。願令女比宗室入朝。而龜茲王絳

賓亦愛其夫人。上書言得尙漢外孫爲昆弟。願與公主女俱入朝。元康元年。遂來朝賀。王及夫人皆賜印綬。夫人號稱公主。留且一年。厚贈送之。後數來朝賀。絳賓死。其子丞德。自謂漢外孫。成哀帝時。往來尤數。漢遇之亦甚親密。東通尉犁六百五十里。

後漢書西域傳。建武二十二年。莎車王賢攻殺龜茲王。遂兼其國。又自立其子則羅爲龜茲王。數歲。龜茲國人共殺則羅。而遣使向匈奴更請。

金定皇身因區示 卷一五

立王。匈奴立龜茲貴人身毒爲龜茲王。龜茲由

是屬匈奴。班超傳龜茲王建爲匈奴所立。倚恃

虜城。據有北道。攻破疏勒。永元三年。龜茲降。以

爲都護。拜白霸爲龜茲王。王遣司馬姚光送之。

超與光共脅龜茲。廢其王尤利多而立白霸。使

光將尤利多還京師。超居龜茲。它乾城。六年。超

發龜茲兵討焉耆。延光三年。班勇至樓蘭。龜茲

王白英自疑。未下。勇開以恩信。白英乃率姑墨。

溫宿自縛。詣勇降。

晉書西戎傳龜茲國。西去洛陽八千二百八十里。俗有城郭。其城三重。中有佛塔廟千所。武帝太康中。其王遣子入侍。惠懷末。遣使貢方物於張重華。苻堅時。堅遣其將呂光率衆七萬伐之。其王白純距境不降。光進軍討平之。

魏書西域傳龜茲國。在尉犁西北白山之南一百七十里。都延城。其王姓白。卽後涼呂光所立白震之後。所居城方五六里。東有輪臺。其南三百里。有大河東流。號計式水。卽黃河也。東去焉

者九百里。南去于闐一千四百里。西去疏勒一千五百里。北至突厥牙帳六百餘里。東南去瓜州三百里。其東闕城戍。寇竊非一。世祖詔萬度歸擊之。龜茲遣烏羯目提等距戰。度歸擊走之。大獲駝馬而還。自後每使朝貢。

周書異域傳。保定元年。龜茲遣使來獻。

隋書西域傳。龜茲。漢時舊國也。東南去瓜州三千一百里。大業中遣使貢方物。

唐書西域傳。龜茲。一曰邱茲。一曰屈茲。東距京

師七千里而羸。自焉耆西南步二百里。度小山。經大河二。又步七百里。乃至。橫千里。縱六百里。君姓白氏。居伊邏盧城。北倚阿羯田山。高祖受禪。王蘇伐勃駛遣使入朝。會死。子蘇伐疊立。號時健莫賀俟利發。後臣西突厥。郭孝恪伐焉耆。乃遣兵與焉耆影援。自是不朝貢。蘇伐疊死。弟訶犁布失畢立。二十一年。兩遣使朝貢。然帝怒其佐焉耆叛。乃以阿使那社尒爲崑邱道行軍大總管。部兵十萬討之。社尒次磧石。去王城三

百里先遣伊州刺史韓威以千騎居前。右驍衛將軍曹繼叔次之。至多褐。與王遇。大破之。追奔八十里。王嬰城。社尒將圍之。王引突騎西走。城遂拔。社尒凡破五大城。男女數萬。遣使者諭降。小城七百餘。西域震懼。社尒立王弟葉護王其國。勒石紀功。始徙都護於其都。統于闐。碎葉。疏勒。號四鎮。高宗復封訶黎布失畢爲龜茲王。與那利羯獵顛還國。久之。王來朝。還。羯獵顛拒不內。遣使降賀魯。悒悒死。詔擒羯獵顛。窮誅。

部黨。以其地爲龜茲都督府。更立子素稽爲王。授右驍衛大將軍爲都督。天授三年。王延田跌來朝。始儀鳳時。吐番攻焉耆以西。四鎮皆沒。長壽元年。武威道總管王孝傑破吐番。復四鎮地。置安西都護府於龜茲。以兵三萬鎮守。開元七年。王白莫宓死。子多市立。改名孝節。十八年。遣弟孝義來朝。地理志。龜茲都督府。貞觀二十年。平龜茲。置領州九。闕。

唐西域記。屈支國。東西千餘里。南北六百里。國

大都城周十七八里。伽藍百餘所。僧徒五千餘人。國東境城北天祠。前有大龍池。諸龍易形交合牝馬。遂生龍駒。懽悞難馭。龍駒之子。方乃馴駕。所以此國多出善馬。恃力作威。不恭王命。王乃引搆突厥殺此城人。畧無噍類。城今荒蕪。人煙斷絕。城北四十餘里。接山阿。隔一河水。西北度河。西行六百餘里。經小沙磧。至跋祿伽國。

〔宋史外國傳〕龜茲。本回鶻別種。其國主自稱師子王。國有市井而無錢貨。東至夏州九十里。或

稱西州回鶻。或稱西州龜茲。又稱龜茲回鶻。自天聖至景祐四年。入貢者五。

案古龜茲國境。後倚白山。前臨大河。東通輪臺。烏壘。尉犁。焉耆。西接姑墨。今庫車北去額什克巴什鄂拉一百二十里。卽魏隋諸書所云在白山南一百七十里。唐書北倚阿羯田山。亦云白山者也。南有額爾勾郭勒。橫亘於前。東歸羅布淖爾。距孔道二百餘里。卽魏書所謂南三百里。大河東流。號計式水。卽黃河。

者也。輪臺今之玉古爾。烏壘。今之策特爾。尉犁。今之哈勒噶阿端。及庫隴勒。焉耆國都城。今之哈喇沙爾。皆屬庫車東境。卽漢書所謂東至都護治所烏壘城三百五十里。東通尉犁六百五十里。魏書所謂東有輪臺。東至焉耆九百里。唐書所謂自焉耆西南步二百里。又步七百里乃至者也。姑墨當今庫車西境。卽漢書所謂西與姑墨接。唐西域記所謂從此西行六百餘里。至跋祿迦國者也。第考漢

魏二史。俱稱龜茲居延城。漢書謂焉耆西南至都護治所四百里。龜茲至都護治所三百里。合計凡七百五十里。又謂焉耆南至尉犁百里。龜茲東通尉犁六百五十里。合計數亦相符。而魏書則云東去焉耆九百里。夫同此延城。東距焉耆里數兩史互異如此。及唐書伊邏廬城。不知卽舊延城與否。其與焉耆相距里數。乃與魏書正同。史家記里。前後牴牾。容有不必核其實者。抑漢之記里長。魏若唐

計里短也。今考漢書車師前國西南至焉耆八百三十五里。魏書焉耆東至高昌九百里。高昌都城在今土爾番。而今之哈喇沙爾東去土爾番實止七百餘里。可知魏以後計里最短。漢較長。而今之計里爲最長也。里短故數多。里長則數少。此一定之理。試以此例推之。庫車東去哈喇沙爾九百八十里。如卽以爲龜茲所都。不應今之里數反浮於古。大抵延城伊邏盧城故址。當在今額什克巴什郭

勒之東。阿巴特。托和。鯨間。而庫車特其西境。爾。是以魏書稱其東有輪臺。見輪臺逼近延城之東。而漢書東至烏壘城三百里。可無疑於計里之太近也。其地去瓜州絕遠。當以隋書東南去瓜州三千一百里之說爲是。而魏書去瓜州三百里。應是三千字之訛也。至三國志引魏畧稱姑墨國。溫宿國。尉犁國皆屬龜茲。是其西境。已兼有今之阿克蘇。烏什。明史稱巴什伯里爲西域大國。南接于闐。北連

衛拉特。西抵賽瑪兒堪。東抵哈喇和卓。是其東境。又兼有今之哈喇沙爾也。至元史所載之巴什伯里其疆圍濶遠大畧相符。可想見矣。

阿巴特。

阿巴特。爲庫車最東境。西距庫車城二百里。西瀕奇里什郭勒。

〔唐書地理志〕東夷僻守捉。又七十里至西夷僻守捉。

案東夷僻守捉在玉古爾西。則西七十里之西夷僻守捉。當在今阿巴特也。

托和鼐。

托和鼐。在阿巴特西南一百四十里。村落比連。烟戶稠密。西距庫車城六十里。乾隆二十三年六月。大兵討逆回波羅泥都。霍集占。進圍庫車。散秩大臣鄂對。告將軍雅爾哈善。托和鼐西南有地名托木洛克者。通賽喇木拜兩城。爲逆回援兵要路。乃遣侍衛達克他那。率兵往偵。霍集

占以兵三千。由托木洛克來援。達克他那誘至
 托和爾。遣副都統順德納等增兵進禦。前張兩
 翼。賊依溝升阜。列陣未安。我兵競進。環其四面。
 鎗矢風發。喊震林木。賊大亂。退伏溝陰。惟以短
 兵自衛。我軍益賈勇爭進。自午迄未。殲之盡。無
 一賊脫者。器甲山積。獲馬馱羊無算。

御製托和爾行。

戊寅

我師攻圍賊庫車臨衝第第四面羅舊降伯克

回部中宰

桑謂之伯克

爲我用其名鄂對顯秩加

授職散秩大臣

備知彼中

之形勢悉告將臣防周遮托和鼐地名通賽里木地名賊

來援者所必過爰遣達克他那藍翎侍衛名瞭遂見踪跡

詳寡多以計誘賊賊遂至達克他那緩行誘賊賊住亦住賊進則退遂引至近

軍營處請為前導勦賊窠發師順德訥副都統領隊大臣率往

堂堂之陣誰逆賊不自量犯兩翼兩翼飛馳張鶴

鵝長箭大礮如雨下狂回奔亂氣消磨填溝受殺敢

迴顧血流標杵時無何勦賊二千四百餘傷我十數

忠堪嘉是為征回第一戰遂叨

天佑威荒遐軍書日馳六百里奏函夜至披衣視賜官

錫祿酬庸勳克城更待頒恩旨討逆伐罪非得已鯨鯢京觀豈所喜

常格。

常格。在庫車城南七十里。廬舍比密。為大村莊。

哈喇阿薩爾。

哈喇阿薩爾。在常格北三十里。北距庫車城四十里。

裕赤哈喇。

裕赤哈喇。在哈喇阿薩爾北二十里。西北距庫

車城二十里。

阿勒玉蘇布。

阿勒玉蘇布。在裕赤哈喇東南十里。西北距庫車城三十里。

羸和。

羸和。在裕赤哈喇西南四十里。東北距庫車城七十里。

達烏圖。

達烏圖。在羸和東北三十里。東北距庫車城四

十里。

庫克體騫。

庫克體騫。在達烏圖北十五里。東北距庫車城二十五里。

哈魯納斯。

哈魯納斯。在庫克體騫北十里。東北距庫車城十五里。

特勒伯。

特勒伯。在常格東南三十里。西北距庫車城一

百里不通路徑。

額什克巴什。

額什克巴什。在天山南麓。西北距庫車城九十里。

特集克。

特集克。在常格西北四十里。東北距庫車城一百里。傍烏恰特達里雅。

奇里什。

奇里什。在庫車城東北六十里。其正北境。當天

山正幹阿爾坦呼蘇南麓。距庫車城一百里。又西北地名沙爾達朗。

以上屬庫車。

沙雅爾。

沙雅爾。北距庫車城一百五十里。踰烏恰特達里雅而至。距京師一萬二百三十里。城周二里許。高一丈四尺。南北二門。霍集占自伊犁歸時。褫其舊有伯克烏哈墨第。以逆黨阿布爾什木爲伯克。橫征口糧。驅擄牲畜。回民愁怨未敢發。

乾隆二十三年六月。我師攻圍庫車。賊自沙雅爾來援者。爲大兵擊敗。阿布爾什木聞風震懾。挈妻子逃奔阿克蘇。烏哈墨第。乃遣其子阿三和卓以沙雅爾城內附。

案唐書西域傳。龜茲橫千里。縱六百里。阿史那社尒討龜茲。破五大城。遣使諭降小城七百。當時龜茲并有姑墨。是以東西拓地千里。其小城七百之舊。雖難悉考。如今賽喇木拜沙雅爾諸城在五大城數內。則大畧可覩也。

托伊博羅多。

托伊博羅多。在沙雅爾城東一百二十里。踰烏
恰特達里雅而至。東通哈喇沙爾界。

塔里木。

塔里木。在沙雅爾城南。南臨大河。

塔木根庫勒。

塔木根庫勒。在沙雅爾城西一百四十里。地多
沙磧不可耕。

喀伊木阿塔。

喀伊木阿塔。在沙雅爾城東南四十里。南臨大河。不通路徑。

坡斯。

坡斯。在沙雅爾城東北三十里。

查盤。

查盤。在沙雅爾城西南四十里。又西南通阿克蘇境。

哈爾噶齊。

哈爾噶齊。一名卡魯瓦乞。在沙雅爾城西北五

十里烏恰特達里雅南。西通阿克蘇境。

庫克布葉。

庫克布葉。在沙雅爾西北四十里。城垣卑小。東傍烏恰特達里雅。

以上屬沙雅爾。

葉勒阿里克。

葉勒阿里克在沙雅爾西南七十里。南距大河八十里。

葉伊勒干。

葉伊勒干。在葉勒阿里克西八十里。

布古斯孔郭爾郭。

布古斯孔郭爾郭。在葉伊勒干西二百五十里。

案白沙雅爾西行至此爲漢姑墨南境。唐屬龜茲西南境。南傍塔里木。諤斯騰。卽水經所謂河水東逕姑墨國南。唐書地理志所謂白撥換碎葉西南渡渾河者也。

以上係沙雅爾西南境外地。

欽定皇輿西域圖志卷之十五